

無明羅刹經

錄云二卷
今此卷合二
失譯今附秦錄

畫一

十二因緣者生死之本一切衆生之所窯宅天魔波旬所居境界若有智慧能觀因緣種種過患永斷生死過魔界者天魔余時生大憂惱因緣大海深廣無際智者入中譬如商

乙

郭

主觀察性相能解了已即便獲得一切種智無上珍寶於諸呪中最良最妙諸佛世尊於無量劫修六波羅密集諸善行斷衆結使與陰魔死魔煩惱魔作堅誓竟永斷生死超出三界成就十力四無所畏於一切法得無礙智爲一切衆生作大明燈證寂滅者爲三界衆生真善親友能轉法輪吹大法螺擊大法鼓然大法燈施大法橋況大法船舉大法帆高聲唱言令度彼岸者究竟弘誓摧伏一切諸外道衆度脫一切諸有緣者使諸人大皆生信解如是大眾於諸餘法皆不生於未曾有心於因緣法乃起甚深希有之想唯佛如

來乃能究竟解甚深義其餘智者所不能了正使大仙黃頭之等恃己智慧生大憍慢猶爲無明之所障翳以有漏智造諸經論亦不能免邪見倒惑雖復草衣斷食空閑獨靜百千苦行終不能於生死之中得少解脫一切衆生爲無明覆故生於貪貪因緣故入於大海惡風洄渦遠涉曠野懸巒之路冒死戰場互相殘害具受種種無量苦惱若能深解十二因緣者見是因緣於此三界五道之中造諸業行受種種形譬如世間善作樂者能使八音宮商和諧聲律相應同時俱作又如巧盡善布衆彩殊形異像森然顯著十二因緣亦復如是能善和諧造作業果輪轉生死亦無窮已如繫那虫有三時變初作土色中作赤色後作黑色十二因緣亦復如是能變衆生作老病死三有五趣四大毒蛇五陰怨賊六入空聚又能變作轉輪聖王釋梵四天及以小王受諸快樂或作人身貴賤貧富愚智

壽夭或作地獄餓鬼畜生之形備受苦毒不可稱數世尊於此無師獨覺以智慧藥篋初按憍陳如等無明眼膜以大法雨滅優樓迦葉等煩惱熾火以知因緣最上智藥治舍利弗大目連等結使之病以此智鈞鈞摩訶迦葉入佛正道以法梯階令大名婆羅門趣解

盈一二

脫堂以此智斧破尊者摩訶迦旃延阿菟樓駄富樓那摩訶拘縕羅難陀孫陀羅難陀諸羅漢等有身之樹以此真智能除梵王生一切智想以此智力能令天帝求爲弟子以此法財分與頻婆娑羅王將從八萬四千人悉令充足而無損減以此正智使白淨王作法王子以此大智救拔極惡殃掘魔羅阿鼻之苦能迴婆羅門居士向於正道能作如是大莊嚴事使淺智女人入深覺意以如是力能摧伏長爪梵志能壞薩遮尼捷勇猛之力能使奄末吒婆羅門生大恐怖能止息尸羅嗣婆羅門大智之想以此甘露嬰愚之人飲服

之者皆成大智以此究力使四大毒蛇所不能蟄陰拔刀賊不能隨逐以此法眼見六入空聚以此法軍破五蓋怨能護智首不畏五欲以此智船度於絳使波浪大海到涅槃岸以此智慧度大灰河不令燒煮內外諸入能使苦受惡刺刺而不入能於無明大黑闇中

而不迷沒若有衆生能觀察者爲作照明显安立衆生戒之平地得於念處以爲止息步正勤路上如意堂登五根樓入五力室艱七覺香飲八正水坐於有餘涅槃之林觸於四禪無漏涼風能如此者即是衆生真善知識不毀淨戒能修禪定增長覺慧能壞惡趣得

盈一三

解脫道觀四蹄方焚諸見草破身見石摧滅戒取大阿脩羅明見於魔五欲之極度於曠野險惡之路入涅槃城絕貪欲網破於妓女毗舍遮鬼洗除慳貪吐出我慢下我我所拔三毒根滅諸結使止生死輪斷愛身索壞因緣鎖能摧三有茂盛大樹永離胞胎度老病

死憂悲苦惱大苦之海

欲知因緣體性幽微若以少智說其實相
如人以頭欲壞石山是最大網弥綸三界
此是邪林迷惑行者此是惡羅羅凡夫鹿
入此羅者善法消滅魔旃陀羅毒箭所射
此是智鑽鑽因緣海誰鑽緣海釋迦牟尼
成就大智涅槃甘露

此十二因緣唯佛能見能除已惑及以化他
如昔所聞折吒王在齋禪耶城精勤修施好
行忍辱恭敬宿長勇猛大力兵衆強盛威伏
四海明於治斷綏撫梨庶如母牛念犢後於
異時齋禪耶城疾疫大行死者過半城中人
民遂致希少雖復呪藥欲禳災患如酥注火
倍增熾烈死亡者衆路少人跡豺狼野干滿
於里巷亦入人舍鶻鷺群飛翳障日月舉城
悲號涕泣盈路積屍城中猶如冢墓時折吒
王見國人民死喪者衆心懷憂惱如入戰陣
爲怨所擒愁悴憂怖發憤忘死於夜靜時獨

設方計立志確然思殄疫鬼以阿伽陀藥遍
塗身體呪索繫身著如意寶鎧手提利劍單
已獨步即從殿下出于宮門往到城中四衢
道頭神寺塔廟遍觀井中及橋梁下處處林
樹及市肆間見有諸鬼色貌不同言音各異
殘害凶惡殺害無度死人尸骸羅列其前觸
體爲器盛人血髓手探腸肚糞血沾污或以
人腸交絡身體諍食死人闘諍牽掣如是惡
鬼魅魍魎充滿城中王見是已如金翅鳥
欲取龍時即入鬼中咀叱鬼言何以故是以
偈問曰

何故以人腸

交絡汝身體

手捉髑髏器

益一

盛滿血髓腦生爲惡疫病常斷人命根
敢食人血肉用自充飽足

諸鬼即時以偈答曰

我是夜行鬼

法食人髓肉

肪膏及五藏

盡皆所甘嗜汝民今災患實是我所作
王復問言如是災患實汝作也羅刹答言是

我所作王復語鬼汝今何不速捨此事諸鬼答言我不能捨所以者何

刺法頭尖 火體性熱 羅刹之性 法食人肉
王語鬼言汝今云何不欲捨耶汝不見我刀色如青雲亦如優鉢華亦如毒蛇大瞋恚時以我臂力捉此利劍足能令汝捨此惡事羅

刹答言人帝汝得自在設以利刀切割我身猶如胡麻雖能如是災患之火猶不可滅王言云何不滅羅刹即時指南大樹而答王言今彼樹下有大羅刹面有三眼額脣霍狀貌兜醜手摩目視能為災癘死亡疾病皆由彼作令諸衆生死斃都盡汝大丈夫可先降彼彼若伏者我等隨順王聞此語疾走往趣叱言汝名字誰羅刹答言我名垂腹隨欲現形以我之力使汝人民悉被災患王聞是已便自唱言我今得息羅刹問曰云何言息王言我久思惟誰苦世間今始得汝便為不復疲苦也羅刹問言汝今欲作何等王言我此

利劍未曾嘗血今為國人必以此刀當飲汝血如飲甘露羅刹言徒為此事不能解汝疲勞之果王問言云何不解疲勞之果羅刹答言汝今且觀南三門裏有羅刹名曰大鼓須勇健力乃可降伏我今住此不棄汝走先可降彼王聞其言於大闔中奮劍直進即到南門見大鼓羅刹高視却偃翹脚而坐身有三頭著于鉀胄捉三岐戟其色青黑甚可怖畏王即念言彼鬼今日作惡已竟自得閑樂唯我慘悴以我威武能使諸王頂戴我足為此羅刹之所陵惱羅刹見王威德嚴厲驚惶而起叉手合掌舉著頂上而作是言善來大王威德尊重如似帝釋悲救世人來至我所王言羅刹汝為我民作大衰患詐稱讚我所作極惡羅刹言王若信我語者聽我所說世間災患及非災患非我所作今城外有鬼名摩訶舍泥於夜行中最為自在四頭四面有大威力是我之主若能伏彼得大名稱王聞此

語疾走出城見彼羅刹以觸體爲鬘繫四頭
上以大象濕皮而作衣服復以蟒蛇繚繫其
腰種種毒蛇以爲瓔珞鋸牙雙出用懸人腸
其身洪壯以血塗之手足肢節如赤栴檀復
以觸體盛滿膿血安置于前呼啜啜敢以爲
飽足手捉利戟繞死人屍王覩是已威容嚴
肅雄心震動譬如暴風吹鼓大樹如兩師子
共相見時即時騰奮威猛喊喊而言叱夜行
主欺我何甚縱放毒惡傷害我民呪藥醫療
如酥注火汝於今者死時到矣羅刹答言地
主且莫速忿聽我具說爲災患者先問我過
然後加罪百姓災患非我所作而我微弱不
得自在爲他使役於此前路有婦女鬼爲彼
驅策制不由己王復問言彼婦女者狀貌云
何答言極惡外詐善軟心懷暴虐須臾變惑
若干色像須降伏我當隨從王即思惟此
不自在但當求彼時羅刹女捨己身相而化
作王所重夫人在王後行語於王言我常爲

益一

六

王最所愛重何以棄我夜行至此更愛誰耶
王於小時卒聞其言未體真僞迴首顧瞻尋
知是鬼王語其言大德且住汝噉一城人民
都盡而於今者欲食我耶譬如暴力能漂
沒唯不能浮大石重山王捉其手而語之言
捨汝幻惑復汝本形汝作大惡今我執汝非
枉橫也羅刹即時合掌作禮而言我今誠心
歸命於王王時即更聞有異聲顧望四方羅
刹問言何以顧望王復問言是何妙聲羅刹
答言我適欲導發此聲音聲彈琴聲者是我
根本一切災患彼女所爲坐彼女人使我住
此王時即便知此羅刹爲他所使復捉歌女
而問之言汝名爲誰羅刹答言我名三垂髮
復作是言我更有主名曰四牙王聞此語即
捨歌女求彼四牙羅刹即擒獲之時此四牙
語於王言亦非我過去此不遠有六羅刹一
名雲盧二名山岳三名豐脹四名金剛主五
名見毒六名擲縉此六羅刹童子是我之主

王聞此語往趣其所即復捉得彼六羅刹羅利復言我亦爲他使王即問言誰使於汝六羅刹言有二羅刹一名牛耳二名手戰能使於我王即推得復語王言我不自在更为主問言是誰羅刹答言名速疾金翅鳥即時復捉彼金翅鳥金翅鳥言有三男子是我之

臣七

主一名極惡二名火髮三名栴檀王即思惟我今求鬼欲滅災患而此諸鬼展轉相示曠路長遠雖復長遠若不推得其根本者終不休息王復前進見三羅刹彼羅刹等遙見王來即使避走王即言住我此利劍未曾施用我爲擁護國民跋涉遠路故來至此汝等云

何返捨我走羅刹聞王安慰之言尋便迴還合掌而言離此不遠有浪叢塚諸惡禽獸巢穴彼中伴狼野干狐狸熊虎鷲鷺梟互相搏食出大惡聲交橫充滿王復問言彼有何物答言彼有羅刹形貌龐大壅腫肥脹艾渴皴剥色若黑雲搖動兩眼光如掣電利牙重

出銜脣瞋怒種種鬼神以爲眷屬諸惡鬼神無不率從世間非法皆是彼作兇黨熾盛最難調伏若能降彼大力鬼者王之威德流聞天下我等亦當屈折隨順王聞此語勇猛奮發不能自制如海濤波即到彼所塵霧晦暝猛風絕炎吹死人髮障蔽昏暗都無所見見彼羅刹形容狀貌如向所說遶其左右臭穢盈積處處皆有髑髏之積髮爪之聚積如山岳弊壞故衣散壞在地坂甕破瓦無可行處或見膿瘍疽蟲爛壞惡聲恠獸遍滿其中如刀兵劫甚可怖畏復有諸鬼皆食肉血以自肥飽都是兇險殘害之衆眼如電光頭上火然鼻大庖凸雙牙鋒出其耳如箕形狀醜惡說不可盡虎狼之皮以爲衣服髑髏盛脂置于右手寫著水中王見是已即便憂愁唱言咄哉云何自恃己力暴惡乃余我不摧滅不得自立若以呪藥之力鬼皆走散我今應當疾走其前以其左手捉羅刹髮我爲國民除

災患故必當滅此羅刹之主作是語已遍觀四方即時騰踊而師子吼上歸諸天四方神祇國中災患毒樹之本我今當拔即頓其髮羅刹自恃力噭笑言誰於暴河乃欲截流誰入虎口欲數其齒而故來觸猛惡毒蛇一切世間雄猛丈夫數千億萬我皆摧滅云何敢

盈一

余頓掣我髮且置勿言而一切世間大力雄猛都無有能與我敵者唯除折吒是誰小豎敢捉我髮王聞稱已即時喜勇而語鬼言善哉賢士言折吒者即我身是鬼聞是語驚喜而言聽我悔過願王垂愍莫加瞋忿自今已後一切災患爲王除去作是語已忽然不現

王威力故鬼神退散國中人民倍復熾盛無諸災患同於諸天復次以何義故說此譬喻不爲綺語不爲非時所以者何爲欲增廣佛法甚深義故爲欲顯示因緣理故作是種種衆多方喻言王城者喻於三有三有城中有生老病死憂悲苦惱愛別離苦求不得苦怨

憎會苦毀罵惡名持戒破戒如是種種無量諸苦不可稱計煩惱災疫喪失善根菩薩悲愍猶如母牛念於犢子而爲衆生作真親友堅誓勇猛救濟一切善知生死結習因果善能曉了法以非法具足四攝成就一乘大心衆生觀察五道輪轉受苦常爲四大毒蛇五

陰怨賊六入空聚愛訴親善愚癡五欲計我我所之所侵害是諸衆生煩惱所縛云何今者而不拔濟菩薩思惟如是事已從宮殿起即便出家被精進鎧四攝神呪而自擁護身念良藥以自塗體忍辱功德以爲矛盾無量劫中所修智慧猶如利劍專心正念如王大

盈一

道坐道場時觀察一切世間苦源發大弘誓必拔其本此苦源者逼切衆生爲大苦惱衆患之首九十六種愚癡所蔽不識生老病死過患之源菩薩少時以正觀察見老病死無量苦患解是義已即問老言汝名爲誰老即答言我名爲老菩薩問言汝何所老老答言

而我老者能老三界菩薩復問更何所作老答言我無所作菩薩言汝爲愛樂而作飢儉汝壞憶念猶如野象踰芭蕉林盡皆摧碎汝是曠野懸遠嶮路能滅六根喜樂之樂能壞壯色如霓害華移徙盛力能使消滅乾竭六情云何而言我無所作老答言此事實余菩薩言老死二字三界都聞不解其義老復言曰汝今真實究竟盡知我菩薩問曰彼第二者爲是誰耶老答言名之爲死菩薩余時即問死曰今汝名字何其麤惡死答言不但名惡名下之事復甚麤惡一切世界人天阿脩羅夜叉鬼神我盡能殺如大羅刹能壞國土我亦如是能壞一切有生之命菩薩問曰恠哉汝最大惡無悲愍心汝所遊行無處不至下惡惡業無過於汝死答言如是之事實是我體菩薩問曰汝體雖余以我心力要斷於汝汝雖難伏以我精進要當伏汝如海波浪不能吹山汝亦如是豈能殺我死答曰汝於今

者雖作是意恐汝未必能制於我菩薩問曰汝今何故疑我不能死答曰若有精進善巧方便乃能制我恐汝未必勇猛精進是故疑汝菩薩言汝且觀我於無量劫慈悲方便自以己命代諸衆生乃至重怨設以利劍支節解我我於彼所恒生慈心急難衆生設來投我寧捨身命爲作救護如是方便足滅汝不死答言何須廣說多作往返何足勤勤苦惱於我我當至誠語汝根本此根本者即是生死者生一切世間無量苦惱四大毒蛇五陰怨賊六情之器輪迴五道皆生所爲此生也生者生一切世間無量苦惱四大毒蛇五陰怨賊六情之器輪迴五道皆生所爲此生始有生一切苦況復中後若受生者如我等告不可稱計若捨生者則無過患一切過患由生而有譬如無薪火無所燒亦如無樹斧無所斫亦如無瓶椎何所破如無藕花霜何所敗以喻方之知生多患汝今誠心決定誓願欲斷死者必先斷生由此生故有老病死憂悲苦惱諸災患等皆有勢力菩薩言我解

是事若有山者金剛必壞若無山者金剛雖堅何所能壞凡有身者必有諸苦若無身者苦何所苦菩薩爾時即放老死而捉於生而問之曰汝名誰耶生答言我有種種衆多名字而我名者名中最勝號之爲生菩薩問言何故名生生答言汝自觀察菩薩尋自觀生

而作是言然此生者出一切有從二字和合而出於生義生答言今汝智慧實非顛倒順理而解菩薩問曰而此生者生一切苦何故不名出一切苦乃名生耶生答言我有此過實如汝言菩薩問曰汝不見我有堅誓願能斷汝耶我以悲愍爲體能滅世間一切衆苦生答言善哉善哉誠如所言我不自在從他而有今我依止諸有男子得是勢力能生一切生死之苦汝若不信何不自觀菩薩思惟我今觀生定知是有而此三有即三大龍能雨暴雨注於生河入死海水有因緣河漂滄浪生沒溺苦海菩薩爾時即便捨生而捉於有

卷一

佛說無明羅刹經

七

第九一冊

訶責有言我爲一切衆生而作真濟秉智慧劍能斬怨敵汝今云何敢自放逸莊嚴生耶有即答言四取鉤鉗鉤牽於我著於有中四取強力捕諸嬰愚我當云何得不受有菩薩故有訶四取言汝若有樂可以與有汝但增長衆苦何以與有取答言譬言如虛空不能生樹有地水因緣而能生樹若無愛水何由而得生於有樹汝今不應但訶責我善薩即捨四取復捉於愛愛語菩薩言善來淨飯王子汝於無量劫中作諸功德集諸善行汝之威力過於帝釋大梵天王汝當留神受我小供菩薩問言汝以何供愛答言於五根處所受五欲樂是我供養菩薩問曰何以用此五根而請於我愛答言我以色香美味觸而請於汝菩薩言汝今乃以香美毒果請於我耶愛答言云何言毒菩薩言此五欲者譬如以羊擲置火中又如盲人墮於深坑遠離解脫閼涅槃門有智之人乃至夢中尚離五欲況復

覺時愛答言諸天五欲可不勝耶菩薩言亦如幻夢有孫陀羅天女端正如日乘天宮殿音樂自恣福盡命終還墮地獄豈非欺誑愛答言汝今若嫌欲界之事色界諸天豈非樂地彼界中安止禪定少於過患菩薩言彼色界中苦患之事我悉知之愛答言汝今云何能觀察知菩薩言雖得禪定生於梵世福盡命終墮三惡道譬如燒炙還令水灑衆生薄福輪迴受苦愛答言如汝所解最上有頂汝心鄙賤同於芻草菩薩問言何名有頂愛答言四無色界名之有頂菩薩問言四無色界有何體相愛答言彼無色中所有諸天能定壽命八万大劫菩薩問言彼大劫盡更受何等愛答言八万劫盡名之爲終菩薩言嗚呼惟哉觀於欲界苦惱無量觀察色界體性必壞至四無色不免於死世界之中樂少苦多甚可哀愍愛答言汝今若欲出我境界更復何處欲求於樂

從此分
爲下卷

十二

菩薩問言汝之境界爲在何處愛答言一切有爲是我境界菩薩言一切有爲死不自在是汝境界我今超過有爲境界死所不到永離死處無愛別離怨憎會處無生老病憂悲惱處五陰盡處五根滅處一切諸根無所用處一切智鑽出甘露處如此之處豈不名爲出汝境界愛聞是已大笑而言毗輪蜜多羅婆吒如是等無量大仙皆有是語未見得者菩薩言彼雖欲求不知方便愛答曰汝於今者有何方便菩薩言汝今當捨誑惑衆生諸大憍慢我今拔汝譬如大象拔於小草愛答言善哉大心衆生我依於受應先取受菩薩言我今諦觀一切有生滅皆怖畏苦之體相諸根馳動希求於樂樂不自在由他而有樂是詐僞暫有之法凡愚之人雖數得樂情無厭足樂爲放逸能劫諸根幻惑人心墜陷凡夫如蠅墮蜜得味甚寡所失甚多不別好醜見便生愛如以酥油注於大火熾炎倍增愛

且小住待我擒受乃當治汝汝之與受過各
正等俱當罪汝愛荅言淨飯王子汝雖自強
欲有此意恐不禁我何以故往昔劫初有大
仙人黃頭之等出於好時壽八萬歲道德深
厚尚自不能虧損於我況汝末惡之世壽命
短促不滿百年菩薩言我出惡世耶愛荅言

卷一

十三

實出惡世菩薩言今日纖令煩惱熾盛出於
濁時若不破汝無明之門何得名之爲大丈
夫愛言且止莫自歎譽菩薩言我稱時說而
非不時是時是處是真實說有義而說如日
初出光不可隱大人智光亦難隱蔽愛復荅
言觀汝之志雖復勇進未見成功屢自稱讚
如似雲雷降注大雨乳雀歡喜汝於今者但
興雲雷未見雨水如此旱雷將何所益以意
量汝恐汝無實菩薩言今當示汝不虛妄事
我於無量劫中所積善行一心定意智慧利
劍當用斬汝愛荅言所爲何卒菩薩復言今
誰爲我作燒亂因緣發此歌聲是誰結業煩

惱之手觸三有琴惱感一切詔曲衆生愛言
我正欲導如此歌者欲鼓於琴是我之本我
於今者爲彼所作爲彼所使菩薩問言是愛
耶愛荅言是菩薩言愛最是大火能燒種種
處處皆遍愛著樂者皆墮愛中嬰愚墮中如
熾赴火愛言好盡觀察菩薩言我以知之貪
樂生死樂必爲愛所害嗜味諸鳥獸必爲網
所覆愛言汝實知之然我竟能使諸凡愚著
於有樂後身必與堅韌之苦衆生貪有樂是
我之所作乃至生有頂還復令墮落菩薩言
汝不妄說世間極渴無過於愛如飲鹹水逾
增其渴飲有鹹水逾增其愛愛言汝莫殺我
菩薩言汝言雖善心常懷惡若不除汝我云
何安雖復如此汝且小住待我取受菩薩思
惟受何由生即自凜勵身心勇猛不懷性弱
去諸憤闇得寂定足入一切智地即便見受
語於受言汝久遠來欺弄衆生而我爲諸衆
生作不請友汝從今已後更不復得作擾亂

事受言我作何擾亂菩薩言有受身者體性是苦詐現樂相惑凡愚心詐現親善實是大怨受答言實有是過然諸衆生猶愛著我如蜂采華但貪香味擾亂不停菩薩言汝言真實如人爲樂入海遭種種難爲樂入陣箭如雲雨刀矛劍稍更相傷害爲樂因緣遠涉峻

卷一

十四

路曠野飢渴艱難非一爲樂因緣作諸苦行投淵赴火五熱炙身卧棘刺上自餓斷食編椽而坐樹皮草衣食菜食果爲樂因緣造諸器械耕田墾植造作窟宅衣服纖作如是等事皆爲樂故生無量苦受言實尔而我能令一切衆生爲樂因緣受無量苦我極輕躁無暫停時然諸衆生耽著受樂謂我常尔善薩言一切衆生甚可悲愍念念常爲汝所侵惑而衆生愚闇爲汝擾惱受言我之過患不但齊是更有諸愆倍過於此從無始界來運動流轉一切有生之類恒吞受我無有厭足如油投火火不知足皆樂著我無有能見我之

過者菩薩言我於今日愛怨賊邊高聲大喚拔智慧劍臨欲斬之愛言由汝非我已過審如彼言今當斬汝若汝無者愛則不有受言我不自在爲觸所使汝雖害我於汝無利菩薩即時解其次第以智慧手而摩於觸而問觸言汝名何等生於一切衆生之苦受因汝有生死脚足便得增長閉涅槃門觸言能生受者此事實尔然以三事因緣觸乃得生猶如鑽火人功燧鑽三事和合得出於火我亦如是有眼識緣三事和合而得生觸由觸因緣得生於受若無六入我何從生菩薩言汝爲實語離三因緣則無有觸生觸之源六根

卷一

十五

最近觸尔且住須取六根與尔同罪菩薩尔時體解觸相次推六根此六根者危如鷺巢亦如水泡又如初生癰不久當潰有何強力自高乃尔六入言何故作如是語菩薩言由有汝故與觸作力既自無事橫生攀緣生一切苦我斷諍訟豈與汝諍六入言我過輕微

但能生觸善薩言我今觀觸根源由汝六入者無量苦惱之大窟宅汝恒狂逸不曾寂定志恒輕躁不嘗調順所可攀緣不知厭足六根嬰愚貪嗜六觸求請六塵六入言大心衆生汝欲伏我應當在前調伏名色汝若懃苦欲遮於我應遮名色善薩既得六入歸伏即

時尋復觀於名色知其體相語名色言以汝因緣能生一切衆生大苦汝宜速迴還汝已業名色言我不自見已之有過善薩言汝今云何不自見過汝爲欺詐體相極惡由汝因緣能生一切衆生六情名色答言此事實余我猶如樹能生枝葉既有我故便能生於六

便散壞若散壞者何緣而得有衆生身以此緣故我今當以智慧之火焚識種子菩薩遂便捨於名色觀察於識而責之言汝如幻化體性誰惑猶如猿猴輕躁不住亦如掣電不嘗暫停如不調馬不著道路亦如狂象縱逸難禁識言誰敢罵辱有爲之王菩薩言是誰錯謬以汝爲王有何體相自稱王耶識言我以身爲城六入爲門如我今者實是城主一切諸法皆悉隨從以我爲首非王如何菩薩言我於百千劫中磨智慧劍今當殄滅汝之王位識言恠哉我旣無過橫生怨嫌菩薩言汝云何言橫生怨嫌而汝能生名色之患豈

情枝葉善薩言我今當以智慧利斧破汝根本六情枝葉自然墮落名色言汝不能殺我識之強壯肩膊大力常擁護我而此識種若當不墮名色地中何緣能生一切衆苦菩薩轉根本識言我於名色實爲膠固親昵之友言實尔若識不處母胎住歌羅衆生之身終不生長識若不住歌羅羅者此歌羅羅即其善惡受五趣形菩薩言汝爲行所使如此

之過原汝須臾安雖有過待我明白今當以慧眼觀察行已然後徵汝菩薩即時捨識趣於行所行即驚惶而作是言汝是何人勇力輕身著不壞鎧手秉善提重利之劍愚癡衆生長寢昏夜計於我所而能於此恐怖可畏放逸黑闇獨在中行菩薩言汝受身鎌因緣長遠我於今日究盡觀察名之悉達行即驚言從何解達菩薩言我發堅誓於往昔時供養恭敬大釋迦牟尼佛洗浴與食行大精進至于今日從是已來莊嚴功德未曾懈息行言我觀察汝未久莊嚴菩薩言莫作是語我初一阿僧祇劫未得決定滿二阿僧祇劫方得決定欲救衆生行言惟哉能愛衆生菩薩言我愛衆生以悲故愛不以染著而生於愛如有象群處大林中四邊火起誰見是厄不生悲愍時最大象挽於樹枝以打火滅導道今過得離火難一切衆生爲生老病死火之所圍達誰有智者不生悲愍欲令得出行言

汝有悲愍愛於衆生何故入捨菩薩言我救衆生未曾有捨我從識邊觀於生死諸大過患是汝所作爲斷汝故故至汝邊由汝之故生第二天爲天帝釋愛欲無厭又由汝故得生梵世坐蓮華座入禪寂定乃至次第上至有頂非想之處壽終下生墮三惡道如此之事是汝所爲行言誠如所言導識王道實我所作識所行處我爲將護必達所在菩薩言我以正見之石磨智慧劖解汝肢節行言請莫爲之不能補汝疲勞之果菩薩言何故不補行言一切結使火燧大苦之母名爲無明衆惱鄙穢大苦盈集一切災患是彼所作汝不徵彼返欲捉我將何補乎菩薩言此無明者爲何所在行言而此無明大毗舍闍煩惱羅刹之所圍達難可降伏今者住彼愚癡結使諸惡冢間菩薩余時從行得知無明處已發勇猛心往詣其所而振乳言彼結使羅刹煩惱鬼等設勝我者分受罪戮我若勝彼必

當摧彼諸惱結使惡羅刹等今其磨滅無有遺餘行言如汝勇猛有堅精進入大無畏金剛三昧解脫之門自爲汝開殄滅無明何足爲難菩薩于時雄猛四顧即擒無明而詰之言汝於今者豈不往彼煩惱結習諸惡塚間而居止耶而此塚間畏生死者所厭賤處顛倒塵埃結使猛風障蔽慧眼使無所見種種詭曲疑悔糞草聚集之處破戒之屍五欲死人肢節腐壞狼藉臭穢滿此塚間覽觀大風吹三毒火猛炎熾燃惡欲我慢掉動不停揚聲大笑骨聚之間放逸死屍諸惡律儀不淨膿血流汚其地三有瓦甕垢膩斃破斷諸善根種種破器散壞在地斷常見髮風吹蓬亂無慚無愧弊壞衣納遍丘墓中煩惱結害鹿羣石沙九十六種邪見烏鵲諸惡鵬鷺栖宿塚間或時復有貪有衆生狐狼野干貓狸鼴鼠亢處塚間復有戒取如被杌樹枝葉摧落枯朽塚間復有非法斷事破牀置于塚間或

卷一

十八

時復有投淵赴火卧棘刺上種種苦行如爆熾火焚燒塚間或時復有自恃色力及以命財嬌慢據汚盈集塚間或有嫌恨怨嫉棘刺充滿塚間或時復有惡覺觀蠅壞於善根不淨蛆虫臭穢污辱集在死屍或有五蓋煩惱怨賊遊止塚間或有計我及以我所諸呪術師集在塚間復有異見種種邪論如狐鷄梟發大惡聲叫呼塚間復有羅刹捉愛霸機或有羅刹持睡眠杵喜樂五欲而復手秉三歧利叉種種不善衆雜惡色猖狂大喚誼呼脳笑無怖畏心或有羅刹搖頭動體瞋目喝叫騰踊跳擲叱吒拍脛或嘯或歌或時戲舞瞋恚羅刹挾怨羅刹小惡重報羅刹卒暴羅刹貪嫉羅刹慢慢慢我慢不如慢邪慢大慢欲非法欲貪惡貪如是兇險結使煩惱諸大羅刹不可稱數菩薩到於衆結塚間見此無明種種過惡覆於慧眼障蓋身源令諸衆生不見四諦墮墮惡道復作此言是無明者於生

死曠路而作導首能燃生老病死之大火聚
是諸煩惱結業之母閉溫槃門開衆惡趣能
作大形弥綸三界遍一切處放逸大頭疑結
廣額幻惑醜面邪念庖鼻邪見之目膜眼童
子四倒掣電伺怨報惡多毛耽耳欺誑詐僞
深廣邃眉瞋恚忿戾以爲利牙貪欲醜惡作

畫一

十九

上鹿脣嫉妬頑弊返脣下垂邪命詭曲虛假
矯稱貪嗜利養以爲利齒六十二見以爲其
髮三受饕餮以爲長爪忍受結業以爲兩乳不
諸惡律儀以爲長爪忍受結業以爲兩乳不
知獸足脹洪大以爲其腹睡悔深黑以爲
其臍多欲貪愛以爲陰尻十八諸界以爲兩
脛非法惡欲以爲兩膝我見人見以爲脚足
無慚大象垢穢濕皮以爲衣服無愧青惡污
膩鹿褐以爲其被坐結使牀衆結羅刹以爲
侍從廳彼煩惱諸惡羅刹大衆之中雖有千
舌說其過罪不能令盡又見無明羅刹死封
印輪在傍旋轉世間智人見而振悚菩薩尔

時倍加精進獲得增上一心定意發大喜踊
尋時次第清淨心生得不動地堅立之脚即
趣無明羅刹之所到無惱地平正之處除諸
瞋忿嫌恨毒心棘刺沙石八法塵土慈雨灌
注以灑于地生諸善根清茂軟草善根安樂
以爲二足四攝之法堅持於足與衆超異以
定左手摠六十二見之大亂髮以智右手拔
於利劙以諸衆生不請之心大師子吼高聲
唱言我於無量佛所積集善法以大乘車誓
度一切無量劫中精進之果今已成就一切
衆生爲生死大火之所焚燒我今應當爲其
除滅摧伏結賊斷諸行脉爲出世道拔其險
難無明羅刹聞是吼聲擅調戲臂大笑而言
大梵天王摩醯首羅毗沙紐帝釋四天日月
星辰悉皆屈膝來在我前爲我控制婆薮仙
婆數憂留掘婆梨如是等無量諸仙各以智
德望出我界然其皆爲我所迷惑不知出徑
一切衆生我皆上著生死輪上輪迴有中使

不自在如是之事悉我所作是何嬰愚不自
籌量而捉我髮然諸人天阿脩羅一切衆生
以我勇壯持擾不停汝爲是誰輕速躁疾來
至我所在於我前而大聲吼善根起發如日
初出是我昔來未嘗聞覩一切衆生無知所
盲汝之慧眼開視分明鑒察微妙乃如是乎

卷一

三

誰於生死苦惱之海大波浪中卒教津濟令
到彼岸一切凡愚處於邪徑誰爲引導忽示
正道誰於無明大黑闇中熾然慧炬顯照幽
冥我之教命三界之中咸皆承順無能違者
諸仙外道一切悉皆甘樂我界魔醯首羅大
梵天等以我之力生於常想是誰無畏最勝

諸煩惱諸惡軍衆逃竄走入九十六種邪論
之中其所居止住愚癡心菩薩尙時廣集種
種遺品資糧無師獨悟滅於無明是故衆人
應修六度廣集善法

能善觀察聖所說 後獲大樂解深義

我昔曾聞有盲人 在空室中弄木杵

卷一

二十一

杵端衝屋著蜂窠 盲聞蜂聲逃出避
室中有驢被蜂螫 驢被毒痛出墮淵
淵中惡龍懷忿恚 起大雲雷雨大雹
於空聚落下霹靂 聚中惡鬼極瞋忿
遍於國界雨大火 世界衆生火所逼
皆共逃走入大河 河底水中羅刹宮

敢諸衆生血精氣 諸入河者至彼宮
極受苦毒入洄渦 復入石山唯一孔
衆生出孔入大海 海水鹹苦消肌體
叫喚大哭稱父母 諸神誰能拔濟我
時海渚中有神馬王常食自然成熟粳米肥
壯翹陸聞諸衆生受苦惱聲馬王唱言誰於
今者欲度彼岸到閻浮提諸墮水人皆舉右
手而作是言度我度我馬王即時奮迅身體
八萬四千諸毛森然俱長挽捉毛者皆得脫
苦以何義故引如是喻言盲人者喻於一切
衆生無明蜂喻於行驢喻於識驢墮淵者喻
識墮名色空聚落者喻於六情電霹靂者喻
六情中無常患害惡鬼者即喻於觸雨火者
喻於諸受投入河者即喻於愛水中羅刹食
人精氣者喻於四取入洄渦者喻於三有大
石孔者即喻於生言大海者喻於老死憂悲
衆苦神馬王者喻佛以善功德正志堅實肥
大之身以正念定八万四千諸善之毛為諸

衆生起悲愍心 一切衆生皆受大苦爲生所
生爲老所老爲死所死然諸衆生不知方便
求出要路諸佛於中引接衆生令得離苦能
乘馬者即是行人乘於法輪橋陳如等五比
丘夜舍等五人及諸豪貴長者子五十人賢
邑衆等六十人優樓頻螺迦葉兄弟千人舍
利弗大目連等二百五十人頻婆娑羅王等
八万四千人於最末後須跋陀羅乃至遺法
八万四千諸深法藏若有衆生得聞一句一
偈之者一切皆得與大涅槃而作因緣

佛說無明羅刹經

此日併錄二卷
畫

烈聲特倚 | 跳躡上音條拍勝下蒲米嘯弔
反聚屑額吾客諸音遂眉上私忿戾上芳粉
出聲怒也下栗反羈居小反也上音芳問二音
反惡也下栗反饗許也妻也上音芳問二音
貪食帝食反饗饗鐵貪財口鑿
日餐反皮上反饗饗鐵貪財口鑿
悚息勇反反疣贅病也下之芮反尻聳骨也霹
佛說無明羅刹經 二十三末 盡一